

**STATUTI**  
**I SHOQERISE ME PERGJEGJESI TE KUFIZUAR**  
**“Kinmans Media” SH.P.K.**

**Neni 1**  
**Formimi**

Sot me datë 07.08.2020, Shoqëria me përgjegjësi të kufizuar “**Kinmans Media**” SH.P.K. themelohet në përputhje me Ligjin 9901 datë 14.04.2008 “Për tregtarët dhe shoqëritë Tregtare”. Kjo shoqëri krijohet sipas marrëveshjes së Ortakëve dhe Aktit të Themelimit të hartuar prej tyre.  
Ortakët themelues;

1. **Kostandin Gjini**, i biri i Anestit i datëlindjes 03.08.1998, lindur në Vlorë dhe banues në Tiranë, identifikuar me kartë identiteti me numër 032947641 dhe me Nr.Personal J80803095V.

**Neni 2**  
**Emërtimi Selia e Shoqërisë**

Shoqëria do të ushtrojë veprimtarinë në bazë të këtij Statuti dhe do të ketë emërtimin “**Kinmans Media**” SH.P.K., do të ushtrojë aktivitetin në Republikën e Shqipërisë në bazë të Regjistrimit në Institucionet përkatëse, si dhe jashtë saj në bazë të modaliteteve ligjore që kërkohen nga shteti ku do të ushtrojë veprimtarinë.

Selia e Shoqërisë me Përgjegjësi të Kufizuar “**Kinmans Media**” SH.P.K. është në adresën: Rezidenca Kodra e Diellit 2, Rruga e Zallit, Godina Flutura, Nr.419, Tiranë.

**Neni 3**  
**Kohëzgjatja**

Kohëzgjatja e shoqërisë me përgjegjësi të kufizuar “**Kinmans Media**” SH.P.K. është i pacaktuar. Me vendim të Asamblesë së Ortakëve, kohëzgjatja e aktivitetit mund të shkurtohet, të ndërpritet tërësisht ose menjëherë.

**Neni 4**

Shoqërisë me përgjegjësi të kufizuar “**Kinmans Media**” SH.P.K. për detyrimet që do të lindin gjatë aktivitetit të saj me të tretët përgjigjet vetëm me pasuritë e saj. Ortakët e kësaj shoqërie nuk përgjigjen për detyrimet e kësaj shoqërie me pasuritë e tyre që nuk janë futur në kapitalin e kësaj shoqërie. Pjesëmarrja në këtë shoqëri nuk pengon ortakët të kenë pavarësi ligjore, organizative dhe të drejta pronësie jashtë kësaj shoqërie.



## Neni 5

### Objekti i Veprimtarisë

Objekti i veprimtarisë së shoqërisë “Kinmans Media” SH.P.K. do të jetë:

1. Të ofrojë shërbime online, Software
2. Të ofrojë asistencë në distancë nëpërmjet internetit për persona dhe/ose biznese kryesisht të huaja.
3. Të krijojë faqe interneti
4. Të ndërtojë kurse online
5. Të marrë pjesë në tendera dhe ankande brenda dhe jashtë territorit të Republikës së Shqipërisë.
6. Të krijojë dizeno dhe logo për brande të ndryshme vendase dhe të huaja.
7. Të blejë dhe të shesë pasuri të paluajtëshme si dhe t'i lëshojë me qira.
8. Të shërbejë si distributor i shoqërive dhe markave të ndryshme vendi dhe të huaja. Të përfaqësojë shoqëri të huaja.
9. Të tregtojë të gjitha shërbimet e lejuara nga legjislacioni shqiptar.

Për të kryer punën, nëse ka dëshirë, biznesit mund t'i vijë në ndihmë “Freelancers” të cilët janë kontraktues të pavarur

## Neni 6

### Aktivitete mbështetëse

Shoqëria mund të hapë llogari në të gjitha bankat dhe institucionet financiare, si në Republikën e Shqipërisë ashtu edhe jashtë saj për të kryer dhe marrë pagesa, mund të mbyllë llogaritë, mund të marrë karta ATM, mund të anullovë kartat e marra, mund të marrë karta krediti, mund të anullovë kartat e marra të kreditit, mund të marrë makinë POS, mund të mbyllë makinat POS të marra, mund të marrë POS virtuale, mund të mbyllë POS-et virtuale. Për këto veprime janë në fuqi kufizimet në të drejtat e administratorit. Shoqëria mund të përdorë çdo lloj llogarie në PayPal, mund të mbyllë çdo lloj llogarie në PayPal. Mund të marrë pagesa nëpërmjet PayPal dhe mund të bëjë pagesa nëpërmjet PayPal. Vendimet për aktivitetet mbështetëse merren me miratimin e Asamblesë së Ortakëve, me pjesëmarrjen dhe me vendim të ortakëve me numër kuotash të cilat përbëjnë së bashku 70% të vlerës së kapitalit të Shoqërisë, vendim i cili është i mjaftueshëm për zhvillimin e këtyre aktiviteteve.

## Neni 7

### Kapitali i Shoqërisë

Kapitali themeltar i shoqërisë “Kinmans Media” SH.P.K. është 1.000 (njëmijë) Lekë, i ndarë në 1 kuotë si vijon:

1. **Kostandin Gjini** : Zotërues i 1 (një) kuote me vlerë të përgjithshme 1.000 (një mijë) Lekë që përbën 100% të kapitalit themeltar të shoqërisë.



## Neni 8

### Situatat kur kërkohet vendim nga Asambleja e Ortakëve me numër kuotash të cilat të marra së bashku përbëjnë të paktën 51% të vlerës së kapitalit

Për kryerjen e akteve të mëposhtme nevojitet dhe është i mjaftueshëm një vendim me numër kuotash të cilat së bashku përbëjnë të paktën 51% të vlerës së kapitalit të shoqërisë;

1. Blerje dhe shitje pasuri të paluajtëshme
2. Blerje dhe shitje mjeteve motorrike
3. Ushtrim aktiviteti jashtë territorit të Republikës së Shqipërisë
4. Hapja dhe mbyllja e degëve
5. Ndryshim adrese
6. Ndryshime në statutin e shoqërisë
7. Vendimi për shtimin e kapitalit të Shoqërisë
8. Emërimin, zëvendësimin dhe shkarkimin i likuiduesve dhe të ekspertëve kontabël të autorizuar

## Neni 9

### Administratori

- Administrator i shoqërisë do të jetë **Z.Kostandin Gjini**. Shoqëria do të administrohet nga **Z.Kostandin Gjini** si administrator i saj, i cili do të përfaqësojë shoqërinë në marrëdhëniet me të tretë për një periudhë 5 (pesë) vjeçare.
- Administratori ka të drejtë të përfaqësojë shoqërinë.
- Emri i shoqërisë, administratorit si dhe vula e shoqërisë duhet të figurojnë në të gjitha shkresat zyrtare të shoqërisë si dhe në dokumentat që kanë të bëjnë me përmbushjen e objektit, apo që i shërbejnë ushtrimit të aktivitetit të saj.
- Administratori mban përgjegjësi për shkelje të ligjit, statutit, rregullores së brendshme para asamblesë, të tretëve dhe instancave ligjore.
- Shoqëria nuk merr përsipër detyrimet që rrjedhin nga aktet apo veprime juridike të administratorit kur këto nuk i janë përmbajtur objektit të veprimtarisë së shoqërisë ose nuk janë në qëllim të përmbushjes së objektit.

## Neni 10

### Të Drejtat dhe Kufizimet e Administratorit

Administratori ka këto të drejta:

- Të mbikqyrë dhe të kontrollojë të gjithë veprimtarinë e shoqërisë.
- Të përfaqësojë shoqërinë në marrëdhëniet e saj me të tretët, në administratën publike e në organet gjyqësore.
- Të emërojë pranë shoqërisë personelin e domosdoshëm që i nevojitet asaj në përmbushjen e aktivitetit tregtar dhe ekonomik.
- Të paraqesë për miratim Ortakëve të shoqërisë strukturën e brendshme organizative të shoqërisë me emra përkatës dhe të përmbushë të gjitha detyrimet ligjore që rrjedhin nga legjislacioni i punës në Republikën e Shqipërisë.
- Të administrojë pasurinë dhe mjetet financiare të shoqërisë brenda kufijve të caktuar nga Asambleja e Ortakëve.
- Të testojë aftësitë e punonjësve në administratë.



- Të hartojë objektivat e shoqërisë për çdo vit pasues dhe të vendosë e të ndjekë realizmin e detyrave të lëna nga Vendimet e marra nga prej tij.
- Ka të drejtë të hapë dhe të mbyllë llogari bankare si dhe të kryejë çdo lloj veprimi dhe transferte në të gjitha bankat e nivelit të dytë.
- Administratori ka të drejtë dhe detyrim të përgatisë Bilancin Vjetor, Bilancin e Konsoliduar dhe Raportin e Ecurisë së veprimtarisë dhe t'i paraqesë ato për miratim para Asamblesë së Përgjithshme të Ortakëve.
- Administratori Vepron me qëllim të mirë
- Administratori ka të drejtë të thërrasë Asamblenë e Ortakëve

## Neni 11

### Të Drejtat dhe Detyrat e Ortakëve

- Veprojnë me qëllim të mirë
- Të paraqesin pyetje me shkrim në lidhje me aktivitetin dhe administrimin e shoqërisë ndaj administratorit
- Të informohen mbi përmbajtjen e raportit të administrimit, inventarët e llogaritë vjetore, tekstet e vendimeve të propozuara dhe raportin e ekspertit kontabël ose kontabilistit të miratuar.
- Të përfitojnë nga fitimi i Shoqërisë
- Ortakët kanë të drejtë secili veç e veç të marrin informacion mbi gjendjen e kredive të shoqërisë nga Banka e Shqipërisë.
- Ortakët kanë të drejtë secili veç e veç të marrin informacion mbi gjendjen e shoqërisë nga Kontabilisti.
- Në rastet kur ortakët duan të shesin kuotat e tyre duhet të marrin miratimin e ortakëve dhe është i mjaftueshëm një vendim me kuota vlere e të cilave përbën 100% të vlerës së kapitalit të Shoqërisë.
- Mund të emërojnë dhe shkarkojnë Administratorin me shumicë të thjeshtë 50% + 1 votë.
- Mund të emërojnë dhe shkarkojnë Ekspert Kontabël të Autorizuar dhe Likuidator për Shoqërinë me vendim unanim me kuota vlere e të cilave përbën 100% të vlerës së kapitalit të Shoqërisë.
- Asambleja e Ortakëve mund të thirret nga ortakët kuotat e të cilëve përbëjnë të paktën 5% të kapitalit të Shoqërisë.
- Kanë të drejtë të përfaqësohen nga përfaqësues me prokurë duke u bazuar në legjislacionin shqiptar në fuqi.

## Neni 12

- Ortaku nuk mund të ushtrojë të drejtën e votës nëse asambleja e përgjithshme mer vendim për:
  - 1- Vlerësimin e veprimtarisë së tij
  - 2- Shuarjen e ndonjë detyrimi në ngarkim të tij
  - 3- Ngritjen e një padie ndaj tij nga ana e shoqërisë
  - 4- Dhënieve ose jo të përfitimeve të reja
- Kur Ortaku përfaqësohet nga një përfaqësues i autorizuar edhe i autorizuari, njësoj si ortaku, do të vlerësohet për mundësinë e të qenit në konflikt interesi.

## Neni 13

- Raporti vjetor financiar i paraqitet ortakëve për aprovim para 31 marsit të vitit pasardhës.

- Ortakët e shoqërisë vendosin me vendim unanim për destinimin e fitimit apo humbjes së krijuar gjatë ushtrimit të aktivitetit të saj sipas dispozitave ligjore në fuqi.

## **Neni 14**

### **Marrëdhëniet e Punës**

Marrëdhëniet e punës në shoqëri rregullohen nëpërmjet dispozitave të Kodit të Punës së Republikës së Shqipërisë.

## **Neni 15**

### **Dispozita të përgjithshme**

Përsa nuk është shprehur në këtë Statut, do të zbatohen dispozitat e Ligjit 9901 datë 14.04.2008 “Për tregtarët dhe shoqëritë Tregtare”, si dhe çdo dispozitë e Legjislacionit Shqiptar që gjen vend në këto marrëdhënie juridike e tregtare.

## **Neni 16**

- Shoqëria fiton personalitet juridik nga dita e regjistrimit në Qendrën Kombëtare të Biznesit, Tiranë.
- Ky akt formulohet në gjuhën shqipe dhe nënshkruhet në 1(një) kopje.
- Ortakët e shoqërisë i japin të drejtën Z.Kostandin Gjini, me numër personal J80803095V të paraqitet pranë QKB-së dhe çdo institucioni tjetër për regjistrimin e shoqërisë “**Kinmans Media**” SH.P.K.

**ORTAKU I SHOQERISE**

**Kostandin Gjini**

